



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Art. I. Felix Adprecatio, & finis sermonum Dominicalium de Architectura
Christianæ.

[urn:nbn:de:hbz:466:1-46065](#)

S E R M O I I.

S T U D I O S U M L I T T E R A R V M

Artiumque liberalium, ac Vitum litterarum
debet esse in se Ædificatorem

D O M V S S A P I E N T I Æ.

*Nisi Dominus adificaverit Domum, in vanum
laboraverunt, qui adificant eum. Psalmo cxxvi. i.*

Sapientia adificavit sibi Domum. Proverb. ix. i.

A R T I C U L U S I.

F E L I X A D P R E C A T I O

*Et finis Sermonum Dominicalium de
A R C H I T E C T U R A C H R I S T I A N A*



ONVENISTIS iterum Academici, & vos
imprimis Adolescentes mihi percari in
hoc non magis Artium ingenuarum, quam
virtutum Christianarum Gymnasio, ideo-
que veræ Sapientiæ Domo. Sit Deo Vni Trinoque
honor & gloria, D E I P A R A E virginis, & Tutelaribus
Divis, Patronis Optimis gratiarum actio. Conveni-
stis, ut animadverto, sani corpore. Sit vobis, precor
semper mensana in corpore sano. Convenistis, ut
spero, magnis ad studia Sapientiæ animis. Quælo vos,

con-

ARCHITECTUS CHRISTIANUS. 21

continuate eadem non minore spiritu. Convenistis, ut confido, inflammatis proficiendi desideriis: nunquam intepescant, id equidem desidero. Convenistis, ut firmiter mihi persuadeo, omnibus instructi ad Sapientiae cultum praesidiis: nihil eorum desit, toto anni decursu, id expeto. Convenistis, de quo non ambigo, ut quæ comparabitis annuo studiorum curriculo, imprimis ad Dei Opt. Max. honorem, tum ad salutem quoque vestram impendatis, nunquam ab hoc scopo aberrantes. ita voveo. Ob hæc, & quæ his continentur plura, sunt renovata paucis ante diebus, feliciter, ut me iuvat credere, Litterarum studia, Grammaticæ, Poëseos, Rhetorices, Philosophiæ. Celebratus est, ut dicere soletis, *Ascensus*. Sit felix faustumque. Unum superest, ut restauretur æquè ferventer studium Pietatis ac virtutum omnium, & ut reddatur Studiosus litterarum, Studiosus virtutum. Idcirco nos hic convenimus, & conveniemus porro, diebus per annum dominicalibus. Vtinam! qui ardor est plerorumque ad novos novæ scholæ, ad quam sunt promoti, libros, eundem huc conferant ad Dei cultum, & studia pietatis, quæ hic promovere conabimur. Magistris ac professoribus vestris ea est demandata cura, ut voseffiant, quantum in ipsis est, adolescentes doctos, doctos Grammaticos, Poetas, Rethores, doctos Philosophos. Et, si unquam aliás, hoc anno in id conspirarunt incredibili animorum affectu ardore, effectum quemadmodum spero in anni decursu videbimus. Mihi unica reicta est cura, nec aliam deposito, ut vos faciam Adolescentes bonos, id est, virtutibus Christianis exultos, & egregios, Grammaticos, Poetas, Rethores, Philosophos. Huc semper collimabo. Si faciam vos bonos piosque Adolescentes, nihil desiderabo amplius. Sed hic labor, hoc opus est.

B. 3

Lu-

LVBET autem orditi hoc annuarum mearum
 Commentationum initio ab accommodatissima tem-
 pori & instituto meo sententia Regis virtutum stu-
 diosissimi Davidis: *Nisi Dominus æDIFICAVERIT Do-*
mum, in vanum laboraverunt, qui ædificant eam. Siquidem
 hac dominica celebratur *Dedicatio Domus Dei* seu
Basilicæ Salvatoris, de quâ, oratio Dominicæ officio,
 cantantur, recitanturque solemniter, quæ ad Templi in-
 augurationem consecrationemque spectant. Et con-
 stitui hoc anno, in Auditorum meorum fundo, (ita ani-
 mam cuiusque vestrum contemplor, & appello) exædi-
 ficare novam quandam Domum, amplam, augustam,
 regiam, ex virtutibus, velut lapidibus. Præterea, do-
 cere quemlibet è vobis eandem in se practice erigere,
 secundum omnes Architecturæ proportiones, sym-
 metrias, regulas. Quod si factum fuerit, & erectâ pe-
 detentim fabricâ, à vobis diligenter attendantibus, &
 audita ad usum referentibus: me verò, dicente, docen-
 te & modum exædificandi monstrante, nescio sanè
 quid ad perfectionem Adolescentis, Viri litterati, aut
 cuiuslibet hominis Christiani possit desiderari. Est
 itaque utilissima illa materia, & longè latèque diffusa.
 Quippe, quæ omnia Christianæ Religionis mysteria,
 virtutes omnes, omnia Evangelia. & in iis documenta
 quæ continentur, universa complectitur, in ordine ad
 ynam Domum in Anima fabricandam: aut ad trans-
 formandam Animam nova Architecturæ Chri-
 stianæ metamorphosi in Domicilium
 Divinitatis.

(. .)

A R -